

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**Aningaasaqarnermut tunngasut**

**Imm. 02 Juulip naanerani Sisimiuni Ilinniartitaanermut immikkoortortaq pillugu aningaasaqarnikkut nalunaarussiaq.**

**Imm. 03 Maniitsumi Ilinniartitaanermut Immikkoortortami aningaasaqarnermut nalunaarussiaq, 2017-imi juli-p naaneranut.**

**Imm. 04 2018-imi meeqqeriviit akigititassaattut siunnersuut**

**Suliassat nalinginnaasut**

**Imm. 05 Meeqqat atuarfiisa ukiumut nalunaarussiaat 2016 / 2017**

**Paasissutissiissutit**

**Imm. 06 Ukiumut nalunaarussiaat 2016 Sisimiut**

**Imm. 07 iPad-it pillugit misissuineri inernerit pillugit paasissutissiissut**

**Imm. 08 Tamalaat.**

Ataatsimiinneq aallartippoq nal.

*Peqataasut:*

*Siumut Evelyn Frederiksen, Frederik Olsen, Ruth Heilmann*

*Atassut Anna Karen Hoffmann*

*Partii Naleraq Malene Ingemann*

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpoq

***Ilinniartitaanermut, Peqqinnermut, Sunngiffimmi sammisassanut Kultureqarnermullu  
ataatsimiititaliap september-ip 4-ani 2017-imi ileqquusumik ataatsimiinnera 06/2017***

**Imm. 02 Juulip naanerani Sisimiuni Ilinniartitaanermut immikkoortortaq pillugu  
anigaasaqarnikkut nalunaarussiaq.**

*Journalnr. 06.00*

**Tunuliaqutaq**

Ukiup sinneranut naatsorsuutigisamik atuinissamik naliliinertalimmik, immikkoortortallu nassuiaatigalugit qaammatit tamaasa missingersuutitigut malinnaatitsisoqartussaavoq. Ilinniartitaanermut, kulturimut sunngiffimmilu immikkoortortap 2017-imi juulimut missingersuutitigut malinnaatitsineq matumuuna ilannguppa.

**Maleruagassanut tunngavissat**

Qeqqata Kommuniiani karseqarnermut naatsorsuuserinermullu malittarisassat

**Pissutsit atuuttut**

Atuineq /isertut ukiumut tamarmiusumut siammaraanni atuineq / isertitat 58,33 procentimiissapput.

Atuiffik	Taagutaa	Missing. (1.000 kr)	Tapiissutit (1.000 kr)	Nuuts. (1.000 kr)	Katillugit (1.000 kr)	Atuineq (1.000 kr)	Sinneri (1.000 kr)	Atuir % inngor
5	<b>ATUARFEQARNEQ KULTURILLU</b>							
50	MEEQQANUT INUUSUTTUNULLU ULLUUNERANI SAMMISASSAQARTITSINIUTIT	44.952	112	-75	44.989	26.209	18.780	58,
51	ATUARFEQARFIK	79.794	0	500	80.294	47.438	32.856	59,
53	SUNNGIFFIMMI SAMMISASSAQARTITSINEQ	10.212	0	0	10.212	5.961	4.251	58,
55	ATUAGAATEQARFEQARNEQ	1.397	0	0	1.397	775	622	55,
56	KATERSUGAASIVIIT	2.146	582	0	2.728	484	2.244	17,
59	KULTURIKKUT PAASISITSINIAANIKKULLU INGERLATAT ASSIGIINNGITSUT	10.160	0	75	10.235	7.334	2.901	71,
5	<b>ATUARFEQARNEQ KULTURILLU</b>	<b>148.661</b>	<b>694</b>	<b>500</b>	<b>149.855</b>	<b>88.201</b>	<b>61.654</b>	<b>58,</b>

Sisimiuni ilinniartitaanermut kulturimullu tunngasunut 149.855 mio kr anigaasaliissutinit katillugu 88.201 mio. koruuninik atuiffiuvoq. Atuineq procentinngorlugu 58,9 procentiulluni.

**MEEQQANUT INUUSUTTUNULLU ULLUUNERANI SAMMISASSAQARTITSINIUTIT**

Ulluunerani paaqqinnittarfeqarfinni ataatsimut atuineq 58,3 procentiuvoq.

Atuiffik 50-01-10-mi atuineq 171,1 procentiuvoq. Atuiffik anigaasartuutitut isertitanullu atuiffiuvoq. Januaari qaammat akiliuteqarfiuneq ajorpoq. Meeqqueriviit atuinerat kusanarlutik 42,9 kiisalu 62,9 procentit missaanni inissisimapput.

**ATUARFEQARFIK**

Atuarfeqarfinni, Qeqqani MISI ilanngullugu ataatsimut atuineq 59,1 procentimiippoq. Kommunip atuarfeqarfiini atuineq 59,5 procentimiippoq.

Kopeerutinut skoleintra-mullu abonnement-it, sullissinissamillu isumaqatigiissutitut akiligassat ukiup sinneraut atuarfinnut tamanut akilereerput, soorluttaaq pequtit allaffimmilu atortussat assigiinngitsut pisiarineqareersut. Feriarnissamut anigaasaatit tamakkerlugit atoreerput, feriarnissanullu anigaasartuuteqaqqinnissaq naatsorsuutigineqarani.



Qeqqani Misi / PPR

Atuineq 48,0 procentiuvoq. Allaffissornermi atugassanut pisiniarnermi atuineq 146,2 procentimiippoq - inu:it-mit kiisalu Kingo-mit sullinneqarnek, misilittaatillu SON R-ip pisiarinearnera (ataasiartumik akiligassaq).

Oqarasuaatinik atuineq 191,8 procentimiippoq - atuarfinnik oqarasuaatikkut kiisalu Sisimiut avataani PPR-ip allaffeqarfiinik ataatsimiinnerit.

ATUIFFIK 53 - SUNNGIFFIMMI SAMMISASSAQARTITSINEQ

Sunngiffimmi sammisassaqaartitsinermit aningaasaliissutit 10.212 tkoruuniupput, ataatsimullu atuineq 58,4 procentimiilluni.

Sunngiffimmi sammisassaqaartitsinerup, nipilersornermik ilinniarfik ilanngullugu atuinerat 61,2 procentimiippoq. Nipilersornermik Ilinniarfiup atuinera 78,9 procentimiippoq, sippuillunilu atuinermi illuutitut ininullu, pisiniarnermut, allanik piniarnermut kiisalu angallassinermi aningaasartuutitut tunngassuteqarput. Kangerlussuarmi sunngiffimmi ilinniartitaanerup atuinera 73,8 procentimiippoq.

Sisimiuni naluttarfik ilanngullugu sunngiffimmi ornittakkat atuinerat 52,1 procentimiippoq, naluttarfimmilu sulisut annaassiniermut pikkorissarsimaneritut kiisalu klorin-imik annertuusumik pisinermit aningaasartuuteqarluni.

Kangerlussuarmi atuareernerup kingorna paaqqinnittarfiup atuinera 79,5 procentimiippoq, atuinermut akissarsianut tunngassuteqarluni.

Kulturimut paasisitsiniaanermullu atuineq katillugu 39,2 procentimiippoq. Amerloq uuliamik atuinermi sippuilluni 157,1 procentimik atuisimavoq. Perorsaasunngorniarfiup SPS-ip eqqiarneqartarnerani atuineq 421,9 procentimiippoq.

ATUIFFIK 55 – ATUAGAATEQARFEQARNEQ

Atuagaateqarfeqarnermit aningaasaliissutit 1.397 tkoruuniupput, ataatsimullu atuineq 55,5 procentiilluni.

Sisimiuni atuakkanik atorniartarfiup atuineq 54,1 procentimiippoq, blæk-illi toner-illu annertuumik atortaramikkut allaffissornikkut atortunut assigiinngitsunut aningaasartuutit sippuilluni atuiiffiusimalluni, soorluttaaq eqqiaasunut/eqqaavilerisunut, atuakkanillu atorniartarfiup nutarsarneqarnerani allat sullissineritut atuisimasut.

ATUIFFIK 56 – KATERSUGAASIVIIT

Katersugaasivinnut aningaasaliissutit 2.728 tkoruuniupput, atuinerlu 17,7 procentimiilluni.

ATUIFFIK 59-03 – TIMERSORNIKKUT SIUNERTANUT TAPIISSUTIT

Timersornikkut siunertanut tapiissutitut aningaasaliissutit 4.425 tkoruuniupput, atuinerlu 82,3 procentimiilluni.

Sisimiut-ni (atuiffik 5903) atuineq 80,5 procentimiippoq. Siorna ukiumi timersullammannik toqqaasoqarnerata, timersogatigiiffiillu sammisaqangaatsiarnerisa kingunerisaanik agguaatassanut atuffik sippuilluni atuiffiuvoq.

Kangerlussuarmi timersortarfimmi atuineq 87,8 procentimiippoq. Atortussanut/pequtinut atuineq 108,4 procentimiippoq. Assammik arsarnermut mål-eeqqat, åre-nik, timigissaatinillu pisisoqarpoq. Iluarsartuussinernut aserfallatsaalinernullu tamalaanut atuineq 125,2 procentimiippoq. Nutarterneqartut tassaapput: Natermut asaasat maskiinaq, naterlu gummilersorneqarluni. Innaallagiamut atuineq 118,7 procentiuvoq, uuliamullu 1.030,1 procentiilluni - taakku marluk minnaarlugit missingersuusiaapput.

**Innersuussut**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq, juulimi aningaasaqarnikkut nalunaarusiaq tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussat**

1. 2017-imi juunip 30-ani oqimaaqatigiissitsineq

***Ilinniartitaanermut, Peqqinnermut, Sunngiffimmi sammisassanut Kultureqarnermullu  
ataatsimiititaliap september-ip 4-ani 2017-imi ileqquusumik ataatsimiinnera 06/2017***

**Imm. 03 Maniitsumi Ilinniartitaanermut Immikkoortortami aningaasaqarnermut  
nalunaarusiaq, 2017-imi juli-p naaneranut.**

*Journalnr. 06.01.02*

**Tunuliaqutaq**

Maniitsumi Ilinniartitaanermut, Peqqinnermut, Sunngiffimmi sammisanut Kulturimullu Immikkoortortap 2017-imi juli-p naaneranut missingersuutitigut malinnaatitsineq matumuuna saqqummiuppa.

**Maleruagassanut tungavissat**

Qeqqata Kommuniiani karseqarnermut naatsorsuuserinermullu malittarisassat. Ilinniartitaanermut ataatsimiititaliap pisinnaatitaaffinut tungatillugu inatsisit atuuttut.

**Pissutsit atuuttut**

Atuineq qaammat arfineq marluanni 58,33 procent-imiissaaq.

**Konto 5 – Ilinniartitaaneq Maniitsoq + Nunaqarfiit.**

Atuiffik	Atuiffiup taaguutaa	Missing (1.000 kr)	Tapiiss. (1.000 kr)	All.nuuss. (1.000 kr)	Akuersis (1.000 kr)	Atuineq (1.000 kr)	Sinneri (1.000 kr)	Atuineq %-tut
<b>5</b>	<b>ATUARFEQARNEQ KULTURILLU</b>							
50	ULLUUNERANI MEEQQANIK INUUSUTTUAQQ.PAAQINNITTARFIK	22.272	0	151	22.423	12.718	9.705	56,7
51	ATUARFEQARFIIT	47.351	400	-501	47.250	24.654	22.596	52,2
53	SUNNGIFFIMMI SAMMISASSAQARTITSINEQ	4.803	0	546	5.349	3.149	2.200	58,9
55	ATUAGAATEQARFEQARNEQ	930	0	0	930	497	433	53,4
56	KATERSUGAASIVIIT	1.116	0	0	1.116	657	459	58,9
59	KULTURIKKUT QAAMMARSAANIKKULLU INGERLATSINEQ	3.238	0	-196	3.042	2.387	655	78,5
<b>5</b>	<b>ATUARFEQARNEQ KULTURILLU</b>	<b>79.710</b>	<b>400</b>	<b>0</b>	<b>80.110</b>	<b>44.062</b>	<b>36.048</b>	<b>55,0</b>

Maniitsumi ilinniartitaaneq kulturilu 80.110 mio. koruuninik aningaasaliiffigineqarsimasoq, katillugit 44.062 mio. koruunit atorneqarsimapput. Atuineq procentinngorlugu 55,0 procent-iuvoq.

**Konto 50 Meeqqeriviit Maniitsoq + Nunaqarfiit.**

**Ulluunerani paaqqinnittarfiit:** Meeqqeriviit atuinerat 56,7 %-imiippoq.

Meeqqeriveqarfik tamaat isigalugu atuineq annikinnerulaarnerannut pissutaanerusut ukuupput:

Meeqqerivinnut nerisaqartitsineq qaammat juli tamakkiisumik akilerneqanngilaq.

Meeqqerivinnut angajoqqaat akiliutaat qaffarialaarsimanera.

Meeqqerivinni aamma Ornittagaq Angaju-mi sulisut taarserarnerat pissutaalluni qaammammusalinnut atuineq annikinnerulaarpoq.

Meeqqeriveqarfik tamaat isigalugu atuinerit annertunerusut tassaapput:

Atortussanik pequtinik pisaarneq.



**Konto 51 Atuarfeqarfiit Maniitsoq + Nunaqarfiit.**

**Atuarfeqarfik:** konto 51 Atuarfeqarfiit atuineri 52,2 %-imiipput.  
Atuarfik Kilaaseeraq 51,8 %-imiippoq, konto-t ilai atuinerusut tassaaput:  
Bussinut allagartaq atuartunut.  
Taquartortitsinermi aqqissuussaq.  
Ilaallu atuineri annikinnerit tassaapput:  
Qaangiuttoorneriat qaammammut akissarsisartut.  
Ilinniartitsinermi atortussanik pisineq.  
Aserfallatsaaliinerit.  
Timersortarfiup atornera.

**Nunaqarfinni atuarfiit** atuinerisa killiffiat:

Kangaamiut atuarfiat 51,6 % , atuinikinnermut pissutaanerit tassaapput :  
Ilinniartitsisunut taartaaneq.  
Qaangiuttoornerit qaammammut akissarsisartut.  
Napasoq 48,4 % , atuinikinnermut pissutaaneruvoq ilinniartitsisoq ataasiinnaagallarnera.  
Atammik 64,0 % procent atuinerup qaffasinneranut pissutaaneruvoq :  
Ilinniartitsisumik napparsimasoqarnera, taamaasilluni taartaasunut atuineruneq.  
Atortussanik pisissutissat atoreerreqarneri.

Kolligiat atuartullu najugaqarfii konto 51-11 48,1 %-imiippoq.  
Atuinermut appasinneranut pissutaaneruvoq :  
Kolligiap illuutaata aappaata attartortinneqarnera.

**Konto 53 Sunngiffimmi sammisassaqaqtitsineq Maniitsoq + Nunaqarfiit.**

**Sunngiffimmi sammisassaqaqtitsineq:** konto 53 atuneq 58,9 %-imiippoq.

Atuinerulaarneranut pissutaanerupput :  
Unnukkut atuartitsinermit atugassat amerlanerit atorneqareersimaneri.  
Atuarfimmi paaqqinniffik akissarsianut atuineruneq.

**Konto 55 Atuagaateqarfeqarneq Maniitsoq + Nunaqarfiit.**

**Atuakkanik atorniartarfeqarneq:** Konto 55 atuneq 53,4 %-imiippoq.

Atuinikunnerulaarnermut pissutaaneruvoq ikiortitut atorfimmut sulisumik aalajaatsumik  
nassaaruminaannera.

**Konto 56 Katersugaasiviit Maniitsoq + Nunaqarfiit.**

**Katersugaasiveqarneq:** konto 56 atuneq 58,9 %-imiippoq.

Atuinerulaarnermut pissutaavoq :  
Akunnermusilimmut akissarsiat atuineruneq.

**Konto 59 Kultur-imut tunngasut Maniitsoq + Nunaqarfiit.**

**Kulturi qaammarsaanerlu:** konto 59 atuineq 78,5 %-imiippoq.

Atuinnermut pissutaanerusut tassaapput :

Illutoqqanik iluarsaassineq naatsersuutigisamik annertunerulaarnera.

Timersornermi angalanermut tapiinerit annertunerat.

### **Innersuussut**

Ilinniartitaanermut Peqqinnermut Sunngiffimmi sammisanut Kulturimullu ataatsimiititaliamut innersuussutigineqarpoq juli-p naaneranut 2017 aningaasaqarnermut nalunaarusiaq tusaatissatut tiguneqassasoq.

### **Aalajangiineq**

Tusaatissatut tiguneqarpoq.

### **Ilanngussat**

1. 2017-imi juli-p naanera ilanngullugu oqimaaqatigiissitsineq.



**Imm. 04 2018-imi meeqqeriviit akigititassaattut siunnersuut**

*Journal nr. 44.00.05*

Tunuliaqutaq

Meeqqanut suli atualinngitsunut perorsaaniikkut inerikkiartuutaasunik ulluunerani kommunit neqeroorutaannut aningaasartuutaat akiliisussaataasullu pineqartup pineqartulluunniit aningaasaqarnikkut atugaat tunngavigalugit akigititat aalajangersarneqartarput. Namminersorlutik oqartussat nalunaarutaat nr. 3, februaarip sisamaaneersoq najoqqutaralugu akigititat aalajangersarneqassapput.

Maleruagassatigut tunngavissat

Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutinit akiliuteqartarneq pillugu Namminersorlutik Oqartussat nalunaarutaat nr. 3, 4. februar 2011-imeersoq.

Pissutsit atuuttut

2018-imi meeqqat tulliuuttut amerlassusilerneqassapput:

Illoqarfik / nunaqarfik	Meeraaqqeri viit	Meeqqeri viit	Angerlarsimaffi mmi paarsisut	Ullukk ut paaqq.	Akul. meeq q.	Sunngiffim mi ornittakkat	Katillu git
Sisimiut	48	60			334	143	585
Maniitsoq.		56			132	40	228
Kangerluss uaq					44		44
Kangaamiu t				28			28
Atammik				16			16
Sarfannugit				12			12
Itilleq				8			8
Napasq			4				4
Qeqqata Kommunia	48	116	4	64	510	183	925

Ukiuni tulliuuttuni akigititat aalajangersakkat nalunaarummi allaqqapput, meerraaqqerivinnut, meeqerivinnut, ulluunerani paaqqinnittarfinnut, meeqqanik ulluunerani paarsisartunut/paaqqinniffinnut ornittakkanullu, ataasiakkaani meeqqeriviit suuneri meeqqanik amerlassusilikkat apeqqutaallutik missingersuusiukkanut.

Skalat malillugit akigititat aalajangersarneqartarput, namminersorlutik oqartussanit minnerpaaffissat annerpaaffissallu aalajangersarneqarlutik, tassangaaniit akiliisussaataasumut aningaasatigut kingunerisassat nalilersorneqartarlutik.

***Ilinniartitaanermut, Peqqinnermut, Sunngiffimmi sammisassanut Kultureqarnermullu  
ataatsimiititaliap september-ip 4-ani 2017-imi ileqquusumik ataatsimiinnera 06/2017***

01.01.2018-imiit 31.12.2018-mut meeqqerivinnut qaammammut akigititassatunut siunnersuut. Ukiumut qaammatit aqqanillit akiliiffiusarput (januaari qaammat akiliuteqanngiffiulluni)

Isertitat	Meeqqerivinnut %	Sunngiffimi ornittakkanut %	Meeqqeriviit	Sunngiffimmi ornittakkat
99.999 kr.-it angullugit	0	0	0	0
100.000-149.999 kr.	5	5	355	239
150.000 -174.999 kr.	6	6	426	286
175.000 -199.999 kr.	7	7	497	334
200.000 -224.999 kr.	8	8	567	382
225.000 -249.999 kr.	10	10	709	477
250.000 -274.999 kr.	12	15	851	716
275.000-299.999 kr.	13	20	922	955
300.000-324.999 kr.	14	21	993	996
325.000 qummullu	16	24	1.000	1.000

Atuilluartuunissakkut kingunerisinnaasai  
Atuilluartuunissakkut kinguneqassanngilaq.

Aningaasaqarnikkut allaffissornikkullu kingunerisinnaasai  
Meeqqanut suli atualinngitsunut ulluunerani neqeroorutinit akigititat, akiliisussaataasup/sut ukiumi qaangiuttumi akileraarutigisussaallugit isertissimasaat aallaavigalugit aalajangersarneqartarput.

Allaffeqarfiup naliliinera  
Allaffeqarfiup nalilerpaa meeqqanut suli atualinngitsunut perorsaanikkut inerikkiartuutaasumik ulluunerani neqeroorutinit akiliuteqartarneq pillugu Namminersorlutik Oqartussat nalunaarutaat nr. 3, 4. februar 2011-imeersoq naapertorlugu, 2018-imi akigititassat malinneqartut, aammalu akigititassatut aalajangiussat, Namminersorlutik Oqartussat minnerpaaffiliussaasa annerpaaffiliussaasalu iluaniittut.

**Innersuussut**  
Ilinniartitaanermut immikkoortortap innersuussutigaa, meeqqerivimmiittuuteqarnermi 2018-mi akigititassatut siunnersuut akuersissutigineqassasoq, aningaasaqarnermullu ataatsimiititaliamut kommunalbestyresimullu akuersissutigineqartussanngorlugu ingerlateqqinneqassasoq.

**Aalajangiineq**  
Innersuut akuersissutigineqarpoq. Meeqqerivinni akigititat misissorneqarnissai kissaatigineqarpoq.

**Ilanngussat**



1. Inissamut ataatsimut naatsorsuineq

**Imm. 05 Meeqqat atuarfiisa ukiumut nalunaarusiaat 2016 / 2017**

*Journal nr. 51.00*

Tunuliaqutaq

Qeqqata Kommuniiani atuarfiup siulersuisuisa ukiumut atuarfiusumut 2016/2017 ukiumut nalunaarusiat nassiuppaat, tassunga ilanngullugu massakkut ukiumut atuarfiusumut aaqqissuussaasumik pilersaarutip nassuiarnera.

Maleruagassatigut tunngavissat

Atuarfik pillugu Inatsisartut inatsisaat nr 15, 3 December 2012-imeersoq.

§ 47 imm. 12 tunngavigalugu atuarfiup siulersuisui ukiup atuarfiusup naalernerit tamaasa atuarfinni ukiup atuarfiusimasup ingerlasimani pillugit ukiumut nalunaarusiamik kommunalbestyrelsimut tunniussisarput. Ukiumoortumik nalunaarusiami ukiup atuartsiffiusussap tullissaani atuarfiup siulersuisuisa pingaarnersutigit sammisassatut pilersaarutaat aammattaaq ilaatinneqartassapput.

Pissutsit atuuttut

Ukiutum nalunaarusiat nalinginnaasumik atuarfiit ukiumi qanoq ingerlasimani pillugu pilersarusiassallu pillugit paasissutissiisarput.

Atuarfimmi aqutsisut oktobarip aallaqqaataa nallertinnagu pitsaassutsumut nalunaarusiamik suliaqartussaapput, taannalu ataatsimiititaliamut oktobarimi ataatsimiinnissaannut saqqummiunneqassalluni.

Pitsaassuseq pillugu nalunaarusiap imarisassavai ukiumi atuarfiusumi kingullermi nukarlerni akullernilu misilitsinnerni angusat, angajullerni inaarutaasumik misilitsinnerni angusat, iliuusissanik pilersarusiornerit, agguaqatigiissillugu klassini atuartut amerlassusiat, piffissaq atuartsinermut atornerqarpoq, napparsimani pillugit naatsorsuinerit, piffissaq vikarinit atornerqartartoq, atuartunik atuarunnaartussanik ilinniagaqalernissaq inuussutissarsiummillu toqqaanissaq pillugit siunnersuinerup annertussusia aamma siuliani taaneqartup pitsaassuseq pillugu nalunaarusiornerup malitseqartinnera.

Atuarfiup siulersuisuisa ukiumut nalunaarusiaat siusinnerusukku ilusaasa imarisaasalu tungaatigut assiingngitsorujussuusarnikuupput, sunarpiaq ilanngunneqassanersoq atuarfinnut nalileruminaannikuunera peqquataalluni. taamaammat allaffeqarfik skabelonimik suliaqarnikuuvoq ukiumut nalunaarusianut atugassamik, taannalu atuartut siulersuisui kommunalbestyrelsimut ukiut tamaasa ukiumut nalunaarusiamik tunniussileraangamik atortuagassarivaat.

Kommunalbestyrelsip aturfeqarnerup iluani suliniuteqarfissatut aalajangiunnikuusai skabelonimut ilanngunneqarnikuupput.

1. Atuarfiup-angerlarsimaffiup suleqatigiinnerat
2. iPadinut suliniut
3. Oqaatsinik atuartsineq, ingammik tuluttut
4. Takussaaneq
5. Nakkutiginninneq attaveqatigiinnerlu
6. Meeqqat atuarfiat tamanik isiginnissinnaasoq

Imaappoq, maannamiit atuarfiup siulersuisuisa ukiumi atuarfiusimasumi qaangiuttumi taakkua qanoq suliarineqarsimanersut nassuiartassagaat.

Atuilluartuunissakku kingunerisinnaasai



Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Ukiumut nalunaarusiat suliarineqarnerat Qeqqata Kommunanut toqqaannartumik aningaasaqarnikkut allaffissornikkullu kinguneqassanngilaq, taamaakkaluartoq atuarfiit ataatsimiititalianut, angajoqqaanut innuttaasunullu sullissinerisa pitsanngorsaavigineqarnerata ungasinnerusoq eqqarsaatigalugu meeqqat atuarfiat pitsaannerusoq kingunerisinnaavaa.

Qullersaqarfiup oqaaseqaatai

Annertunerusumik oqaaseqaatissaqanngilaq

Allaffeqarfiup naliliinera

Allaffeqarfiup nalilerpaa ukiumut nalunaarusianut skabeloni assigiissitsinerulissasoq, kommunalbestyrelsimullu ajornannginnerusumik atuarfiup siulersuisuisa suliaannik ukiunullu aggersunut kissaataannik tamanik takunnissinnaalersitsissalluni.

**Innersuussut**

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq:

- ukiumut nalunaarusiat tusaatissatut tiguneqassasut.
- Ukiumut nalunaarusianut skabeloni ukiumut atuarfiusumit 2017/2018-mit atorneqarsimasoq akuersissutigineqassasoq.

**Aalajangiineq**

Innersuut akuersissutigineqarpoq.

**Ilanngussat**

1. Minngortunnguup Atuarfianiit ukiumut nalunaarusiaq
2. Nalunnguarfiup Atuarfianiit ukiumut nalunaarusiaq
3. Kilaaseeraq Atuarfianiit ukiumut nalunaarusiaq
4. Kangaamiut Atuarfianiit ukiumut nalunaarusiaq
5. Atammik Atuarfianiit ukiumut nalunaarusiaq
6. Itillip Atuarfianiit ukiumut nalunaarusiaq
7. Qinguata Atuarfianiit ukiumut nalunaarusiaq
8. Sarfannguit Atuarfianiit ukiumut nalunaarusiaq
9. Napasoq atuarfianiit ukiumut nalunaarusiaq
10. ukiumut nalunaarusiornissamut skabeloni

## **Imm. 06 Ukiumut nalunaarusiat 2016 Sisimiut**

<i>Journalnr. 53.02.00</i>	Atuakkanik atorniartarfik.
<i>Journalnr. 55.01.00</i>	Sunngiffimmi atuartitsineq
<i>Journalnr. 55.03.01</i>	Meeqqat inuusuttullu ornittagaat Sukorsit
<i>Journalnr.55.03.01</i>	Meeqqat inuusuttullu ornittagaat Qooqa
<i>Journalnr.58.0.001</i>	Katersugaasivik
<i>Journalnr.59.04.01</i>	Nipilersornermik atuarfiit

### Tunuliaqutaq

Sisimiuni Ilinniartitaanermut Immikkoortoqarfiup ataaniittut immikkoortortaqarfiit ukiumut 2016-  
imut nalunaarusiussasut piunaffigineqarnikuupput.

### Maleruagassatigut tunngavissat

Inatsisartut inatsisaat nr. 5, 6. juni 2016-imeersoq, kulturikkut ingerlatsineq sunngiffimmilu  
sammisassaqtitsineq pillugit.

### Pissutsit atuuttut

Immikkoortortaqarfiit ilaannai ukiumut nalunaarusiortaraluartut immikkoortortaqarfit allat aamma  
piunaffigineqarput ukiumut nalunaarusiussasut, taakkulu naammassineqarput, ukiullu tamaasa taa-  
maaliortartussanngorlutik.

**Atuakkanik atorniartarfik:** Atuakkanik Atorniartarfimmi ukioq 2016 inuit 11.553  
isertorisimavaat.

Internettimik atuisimapput 3.172-it. Atuakkat assigisaallu kalaallisut atorniarneqarsimapput 1.749  
Atuakkat assigisaallu qallunaatuut atorniarneqarsimapput 6.570

### **Sunngiffimmi atuartitsineq: Meeqqanut sunngiffimmi atuartitsineq**

Minngortuunnguup Atuarfiani aamma Nalunnguarfiup Atuarfiani 1 klassimit 10 klassi tikillugit  
atuartut sunngiffimmi atuartinneqartarnissaannik neqerooruteqarpoq. Katillugit toqqagassat 23-t  
neqeroorutigineqarput, hold-illu 19-it pilersinneqarsimallutik. Meeqqanut atuartunut sunngiffimmi  
atuartitsineq 2016-imi septembarip 19-iani aallartittussatut 2017-imilu maajip arfineq-aappaani  
naammassisussatut pilersaarutaanikuvoq.

### **Inersimasunut sunngiffimmi atuartitsineq**

Inersimasunut atuartitsineq 19-ileereersunut tamanut neqeroorutaavoq. Toqqagassat 23-upput, hold-  
illu 14-it pilersinneqarsimallutik. Qinnuteqartut arfineq-pingasuuppata aatsaat hold-i  
aallartissinnaavoq. Sunngiffimmi atuartitsineq 2016-imi novembarip aallartinnerani aallartippoq,  
2017-imilu maajip arfineq-aappaani naammassilluni.

**Meeqqat inuusuttullu sukisaarsaartarfia Sukorsit:** Ullukkut 2 kl. – 7-8. kl. atuareernerup  
kingorna isersimasinnaapput - allatseqqasut 137-iupput.

Sulisut - pisortaq ilanngullugu arfineq marluupput. Sulisut ukiumut ataasiarlutik ataatsimut  
pikkorissarsinnaapput, ukioq manna inuttut ineriartorneq aammalu suleqatigiinnermut tunngasunik  
pikkorissartinneqarput. Ukiup affaanut suleqatigiit sullitanut anguniagassaliorput "Sukorsit  
tqqissismanartumik ineriartorfiusumik suleqatigiiffiulluuartorlu.". Inuusuttuaqqanut Januarimiit  
maj-ip tungaanut inuusuttuaqqanut aaqqissuussaqarput, sammineqarlutik: Pujortartarneq, imigassaq,  
ikiaroorartoq, kinguaassiuutitigut nappaatit aammalu Naartuliaartarneq  
paasissutissiissutigineqarlutik



Augustimiit Decemberimut aamma pinaveersaartitsisut suleqatigalugit ingerlataqarput, "Imminut toquttarneq" pillugu illoqarfimmiunik peqataaffigineqartumik aqqissuussisoqarluni.

Decemberi qaammat Sukorsini pinnguaatinik unammisaqattaartoqarpoq, juullerpalaarnerit ingerlanneqarput ilaqutariit (angajoqqaat aanaa aataa ilaqutaasullu) peqataatinneqarlutik, ukiorlu 2016 naggaserlugu inuusuttuaqqat unnussiuartinneqarput, ukiumilu inuusuttutsialannik (Nukappiaq niiviarsiarlu) toqqaasoqarluni Nunatsinni Klubbit Kattuffiat Sukorseq ilaasortaaffigivaat, Nunanilu Avannarlerni pisoqartillugu peqataatitaqartarlutik inuusuttuaqqamik peqataasussarsioraangata. Ukioq manna Ålandimut angalatitaqarput.

**Qooqa Kangerlussuaq:** Aalajangersimasumik meeqqat amerlassusaat, tassa ulluunerani meeqqat 5-10 taavalu unnukkut 20-25-it 18:00-21:45 tungaanoortarput. Anguniagassat: anguniarusunnikuuaat illup torersuunissaa. Meeqqallu atuisut eqqissillutik atuisutut maani atuinissaat. Taavalu pisattat nutaanik taarsersornissaai pingartinneqarpoq atuisunut peqqinnarnerusunngorlugit.

**Nipilersornermut ilinniarfik:** 2016-imi ukiup affaata siullermi nipilersornermut ilinniarfik Ittukasiup aqq. 11A-mut nuukkallarpoq. Imermut katersuiffimmit imeq mingunnikoq ilummut kuussimanera patsisaalluni, aasakkut sulinnigiffeqarnerup nalaani inissisimaffik ajoraluartumik imermik innarlerneqarsimavoq. Nipilersornermut ilinniarfik ammaarluni atortunik ajoqusersimasunik isumagisariaqalerpoq toqqorsivinnullu nussuilluni. Septembarimi Mukkup aqq. 3-mi friskoliusimasoq nipilersornermut ilinniarfimmit ukiunik pingasunik attartornissamut isumaqatigiissuteqarlutik, GUX suleqatigalugu tiguaat. Tamatuma saniatigut Taseralik-up tunuani nipilersornermut ilinniarfissamut nutaamut sanaartornissamut aningaasaliissuteqartoqarpoq.

#### **Katersugaasivik:**

Oqaluffitoqqap (Bethelip oqaluffia) nutarsarneqarnissaanut Sisimiut Katersugaasivia Den A P Møllerske Støttefond-imit 1.730.000 koruuninik tapiiffigineqarpoq. Taakkua saniatigut upperisat naapinnerat oqaluffiullu oqaluttuarisaanerat pillugu ataavartumik saqqummersitsinissamut Knud Højgaards Fond aamma Augustinus Fonden katillugit 550.000 koruuninik tapiissuteqarsimapput. Oqaluffiup nutarsarnera juunimi 2016-imi aallartinneqarpoq decembarimilu 2016-imi naammasineqarluni.

#### Atuilluartaunissakkut kingunerisinnaasai

Pingaarteqarpoq kulturikkut ingerlatat ersarissumik ukiumut nalunaarusiortarnissaat.

#### Aningaasaqarnikkut allaffissornikkullu kingunerisinnaasai

Soqanngilaq.

#### Allaffeqarfiup naliliinera

Nalunaarusiat assigiinngiaarneri takuneqarsinnaammata allaffeqarfiup nalunaarusiornissamut najoqqutassaq suliarivaa, ilanngussaq nr. 7.

#### **Innersuussut**

Ilinniartitaanermut Peqqinnissamut Sunngiffimmut Kulturimut Ataatsimiititaliap tusaatissatut tigussagai.

#### **Aalajangiineq**

Innersuut akuersissutigineqarpoq.

#### **Ilanngussat**

1. Atuakkanik atorniartarfik kalaallisut qallunaatullu



*Ilinniartitaanermut, Peqqinnermut, Sunngiffimmi sammisassanut Kultureqarnermullu  
ataatsimiititaliap september-ip 4-ani 2017-imi ileqquusumik ataatsimiinnera 06/2017*

2. Sunngiffimmi atuartitsineq kalaallisut qallunaatullu
3. Meeqqat inuusuttullu ornittagaat Sukorsit
4. Meeqqat inuusuttullu ornittagaat Qooqa
5. Sisimiuni katersugaasivik
6. Nipilersornermik atuarfianit kalaallisut qallunaatullu
7. Ukiumut nalunaarusiornermut najoqqutassaq

## **Imm. 07 iPad-it pillugit misissuinermi inernerit pillugit paasissutissiissut**

*Journal nr 51.00*

### Tunuliaqutaq

”Qeqqata-mi Kujalleq-milu iPad-it” pillugit 2016-imi juunip qaammataani KOMPAS-ip pitsaassutsip nalilersorneqarneranut atatillugu nalunaarusiaannut (ilangussaq 1), Sisimiut-ni pisortap sulisui pitsaassutsumik misissuillutik apeqqutinik akineqarsimasunik tapersiipput. (Ilangussaq 2)

### Maleruagassatigut tunngavissat

Villumfonden-ip 2013-imi aningaasaliinerata kingunerisaanik iPad-it pillugit suliaqarneq aallartinneqarpoq, taamanilu Qeqqata Kommunanilu meeqqat atuarfiini tamani atuartut, meeqqerivimmiullu tamarmik iPad-inik agguassiffigineqarlutik.

### Pissutsit atuuttut

Atuartitsinermi iPad-ip atuutilersinniarneqarnerani atuarfiit sumut killinnersut paasiniarlugu misissuineq (ilangussaq 2) ingerlanneqarpoq. Misissuinermi paasinarsivoq, Qeqqata Kommuniiani atuarfiit atuartitsinermi iPad-i atorneqarlualeruttortoq, ilinniartitsisullu apersoneqartut 75 procentiisa sapaatip akunneranut arlaleriarlutik atuartitsinerminni iPad-i atugarisaraat.

Ilinniartitsisut atuartitsisarnerat ilinniartitseriaatsip aqqissuussaanerata allanngortinneqarneratigut kiisalu video, nipi, assinik il.il. atuilluni suliaqarnermik ingerlatsinikkut, ilikkarnartumik ineriartortitsinerat paasinarsisinneqarpoq.

Ilinniartitsisut oqariartuutigaat, atuartitsinermi iPad-ip atorneqartarnera atuartunut atuartitsinermut peqataarusussuseqalersitsinerusoq, ilikkakkanik annertusaasoq, atuartullu piffissami sivisunerusumi aallussisinnaaneritut iluaqutaasoq.

Ulluinnarni suleqatinut, angajoqqaanut atuartunullu attaveqarnermut iPad-i ilinniartitsisunit atorneqartarpoq, nalunaarutigineqarporlu siulianut sanilliullugu oqaloqatiginnitarneq pitsanngoriarsimallunilu akulikinnerulersimasoq.

Siusinnerusumut sanilliullugu, atuartut paasissutissanik ujartuinerminni internetsi atornerulerpaat, taamaalillunilu atuartunut digitalikkut piginnaasaannut Ipadsi nukittorsaaqataavoq.

iPad pillugu suliniutit ingerlateqqinneqarnissaanut nalunaarusiaq innersuussuteqarpoq, taakkulu tulliuuttut eqikkarneqarsinnaallutik:

- Pikkorissarnerit suli immikkut anguniarneqartassapput
- iPad-inut ilitersuisup suliaasa ineriartortinneqarnerat
- iPad-ip sutigut tamatigut atorluarneqarnissaanut ilisimasanik avitseqatigiinnissamut kajumissaarut
- Angajoqqaat annerusumik akuutinniarneqassasut

Nalilersuilluni nalunaarusiami ”Qeqqata-mi Kujalleq-milu iPad-it” inassuteqaatit tullinnguuttunut tunngassuteqarput:

- Piginnaasanik ineriartortitsineq ilisimasanillu avitseqatigiinneq kiisalu siuttut,
- Ilinniartitsisut piumassusaasa paariinnarneqarnissaat
- Aqutsineq, tulleriaarineq aammalu pituttuisumik anguniakkat

Kingullertut taaneqartoq 2017-imi upernaakkut Educational Strategic Planning kiisalu ilinniagassatut anguniagassiorluni ingerlatsinermi aallaaviunikuuvoq.

Atuilluartuunissakkut kingunerisinnaasai

Kommunip iPad-it pillugit suliniutaata nalilersorneqarnera aqutissiueqataavoq, atuartullu namminneq paasissutissanik ujartuisinnaangortillugit atuilluartumik ilinniartiteriaaseqalernissamut suliniummik ineriartortitseqataalluni.

Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisassaqaqngilaq.

Allaffeqarfiup naliliinera

Nalunaarusiami innersuussutigineqartut sisamaasut tusaatissatut tiguneqassasut, iPad-illu pillugit suliniutaasup suliniutigeqqinnissaanut atorineqassasut nalilerneqarpoq.

**Innersuussut**

Innersuussutigineqarpoq, Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliap paasissutissiissut tusaatissatut tigussagaa.

**Aalajangiineq**

Innersuut tasaatissatut tiguneqarpoq. Tusagassiutitigut nalunaarutigineqarnissaa kissaatigineqarpoq. Ipad-inut tunngatillugu pinnguarumatuunut aammalu internettimi atuinermi ukiunik qaanngiisarnermut tunngatillugu pinnguarumatuunut aammalu internettimi atuinermi ukiunik qaanngiisarnermut tunngatillugu aamma ukkatarinninnissaq iliuuseqarnissarlu eqqaamaneqassasut.

**Ilanngussat**

Ilanngussaq 1: iPads i Qeqqata & Kujalleq

Ilanngussaq 2: Nalunaarusiaq: Misissuinerup inerneru



**Imm. 08 Tamalaat**

Anna Karen Hoffmann: Oqaluuserisassanik nassiussineq pillugu kissaatigaara ataasiinnarmit nassiunneqartassasut.

Malene Ingemann: Aperigama suliassaq ataaseq ilinniartitsisoq pillugu inhabiilisut nalunaatartariaqarnersunga, paasivara suliassaqqanngitsoq taamaittumik.

Siulittaasoq Evelyn Frederiksen: Ataatsimiinnermi tullermi habilitet pillugu saqqummiussisoqarnissaa.

Malene Ingemann: Ammasumik oqaloqatigiinneq anguniarneqartartariaqarpoq.

**Ataatsimiinneq naammassivoq nal. 10:27**